



Dai 22 cina ai 27 de agost él gnü organisé dala Uniun Sport Amatoriala La Val la quarta ediziun dl “Viola Football Camp”. Chësc iade àl tut pert 55 mituns. A d’alené y insigné les techniques dl palé él stè cater alenadus che à na gran esperiënza te chësc setur. Plü avisa se tràtel de Rizzo Francesco (ex sógadù de “serie A” y nazionala taliana) che se à dè jö cun les techniques da stopè y le saltè cun le pal. Mancini Oliviero che à insigné le “dribbling” y le colp te porta.

Mancini Fabrizio (le môt de Oliviero) che à fat esercizi de velocitè y forza. Ricettelli Carlo (ex secundo portier dla Roma) che ti à insigné ai portiers les techniques de basa por diventè n bun portier. Bele le pröm dé àn odü che i mituns à n gran interès da imparè valch de nü, an à odü düc che metô dër averda cí che i alenadus dijô y se porvâ. Cun gran plajëi ùnse podü aldì dai alenadus che chësc é stè en grup che se à porvè tröü tratan l’edma y olache al ê na gran disciplina. Chësc à dessigü portè de bugn früc a düc i mituns. Na gran fortüna él stè cun le tēmp che é stè dōta l’edema dër bel, i podōn insciō jì inant cun dōt le program dl camp. Le camp é gnü stlüt jö la sabeda olache al é gnü fat squadre moscedades y spo gnü sóghé deplü partides. Atira àn odü i mioramēnc suradōt dl jüch y dla posiziun te ciamp di singui sógadus. Do le tornê él gnü fat na picia premiaziun olache al é gnü partì fora n atestat de partezipaziun al camp cun les firme di alenadus. Le presidēt dla Uniun Sport Amatoriala La Val à ringrazié düc i voluntars che à daidè organisé le camp suradōt Sottara Fabian y Ploner Martin y les cōghes che à cujiné dër bun dōta l’edema. Do i ringraziamēnc él spo stè na grigliada cun musiga, por festegé ince en pü i 40 agn dl Uniun dl Sport da La Val.

N giulan particular ti va inće ai cater sponsors: Cassa Raiffeisen Val Badia, Edilfer y Selgas.

Por udëi les fotos dl camp 2011 drüca: [FOTO](#)

